



Sulinermik Inuussutissarsiuqartut Kattuffiat

Postboks 9 3900 Nuuk • Tlf.: +299 32 21 33 E-mail: sik@sik.gl

Aatsitassanut Ikummatissanullu

Aqutsisoqarfik.

Råstofstyrelsen

3900 Nuuk

Qaqortoq - 14.02.2025

Majoqqap Qaavani Qeqertarsuatsiaat Kangerdluata eqqaani anorthositimik suliniut pillugu Greenland Anorthosite Miningip ASN-imut aamma IPISN-imut naluaarusiaasa tusarniaassutigineqarnerannut akissut

Aallaqqaasiullugu SIK-ip qujassuteqarfigissavaa Majoqqap Qaavani Qeqertarsuatsiaat Kangerdluani ASN-imut aamma IPISN-imut anorthositimik suliniut pillugu tusarniaanermut akissuteqarnissamut periarfissinneqarneranut.

Tusarniaaneq ulloq 18. December 2024-mi nassiunneqarpoq oqaaseqaataasussallu Aatsitassarsiornermut Aqutsisoqarfimmut kingusinnerpaamik ulloq 19. Februar 2025-mi nassiunneqassallutik.

SIK anorthositimik suliniut Majoqqap Qaavani, Qeqertarsuatsiaat Kangerdluata eqqaaniittoq pillugu ASN- aamma IPISN-imut naluaarusianut tapersiivoq:

Inuiaqatigiinni Piujuartussamik Iluaqutaasumik Sunniutissanik Nalilersuineq: september – 2024.

- Kalaallit Nunaanni suliffeqarfinni isumaqatigiissuteqartarnek sulisitsisut sulisartullu akornanni isumaqatigiissusiorfiusarpoq. Pingaarnertut isumaqatigiissuteqartartut tassaavoq Kalaallit Nunaanni sulisartut kattuffiat, SIK, tassaasuulluni Kalaallit Nunaanni suliffeqarnikkut amerlanersaanik sinniisisoq.
- Sulisartut Kattuffiat, SIK, piareersimavoq, Majoqqap Qaavata eqqaaniittumi Greenland Anorthosite Miningimi aatsitassarsiornermik suliniummi piginnittuulu aningaasarsiat pillugit isumaqatigiissusioqatigiinnissaanut aammalu Kalaallit Nunaanni Majoqqap Qaavani sulisussat sinnerlugit isumaqatigiissusiornissamut.
- SIK isumaqarpoq, suliffimmi atugassarititaasut tamakkiisumik Kalaallit Nunaanni inatsisit atuuttut naapertorlugit ingerlanneqassasut, assersuutigalugu sulinerup sivilissusaa, sulinermi avataatigut qaangiuttoorutimik sulisitsinerit, akissarsiat ajunngitsorsiassallu tungaatigut.
- Nunanit allanit suliarortut nunaqavissullu aatsitassarsiorfimmi Majoqqap Qaavani paarlaaqatigiinnissamik aqqissuussinissaq pilersaarutigineqarpoq sap. ak. sisamat sulierarlutik sap. ak. marluk-pingasut angerlartarlutik. SIK isumaqarpoq, sulisunut nunaqavissunut pitsaasumik isumaqatigiissusiortoqassasoq.

- Taamaaliornikkut kalaallinut suliffissaqartitsinissamut periarfissaqalersitsisoqassaaq, taamaasilluni 30-40-nik sanaartornissamut atatillugu atorfinissallutik aammalu ingerlatsinerup aallartinnerani sulisut 60-90-it missaat suliffissarsissallutik.
- SIK-ip naammagisimaarpaa sanaartornerup nalaani aamma ingerlatsinerup nalaani kalaallit sulisussat salliunneqarnerat, sualummik ilinniarsimasut ilinniarsimangitsullu eqqarsaatigalugit.

Atorfiup suussusaa:	Sulisut amerlassusaa:
Sanaartornissamut tunngatillugu, 2025-p naalernerani	Sulisut 30-40-t
Attaveqaatersuutit illorsuillu 2027-mi Naammassineqarnissaat naatsorsuutigineqarpoq	
Ingerlatsineq, takorluugaq A – takorluugaq B	Sulisut 60 – 90-it
Matusinerup nalaa	Sulisut 10 – 15-it
Aatsitassarsiorneq	Sulisut 60 – 90-it
Ilinniarsimangitsut	30%
Ilinniarsimasut	60%
Allaffissorneq	10%
Katillugit:	100 %

- Pingaartumik nunaqavissut nunap ilaaniittullu ilinniarsimasut ilinniarsimangitsunullu suliffissanik neqeroorfigineqassapput. Pingaartumik sumiiffiup nalaani sulisussanik Qeqertarsuatsiaanit, Nuummit, Paamiunit aammalu Kalaallit Nunaata sinneraneersut kajumissaariffiginissaat.
- Ilinniarfissanik inuussutissarsiornermut teknikkikkullu tunngasunik ilinniarfiit, ilaatigut Sisimiuni Aatsitassalerinermik Ilinniarfik peqatigalugit suleqatigiinneq ingerlanneqarnissaa. (assersuutigalugu pikkorissaanerit aamma ilinniarsimangitsunut suliamut piginnaasanik ineriartortitsineq)
- Sulilersitsinissaq sioqqullugu ilinniarfitaanissamut pilersitsinissaq aamma sumiiffinni oqartussaanut, ilinniarfiit SIK-ilu suleqatigalugit iltsersorneqarnissaq.
- Kalaallit sulisartut piginnaanngorsaavigineqarnissaannut periusissamik pilersitsineq, taamatuttaaq allamik ilinniartinneqarnikkut aammalu piginnaasaqarnerulernissanut periarfissat.
- SIK-ip kalaallit suliffeqarfiutaannik atuinissaq pingaartippaa, pingaartumik Qeqertarsuatsiaanit, Nuummit Paamiuniillu kiffartuussissutit aamma Majoqqap Qaavani pilersinneqarnissaannut pilersuinerit.
- Pingaartumik aatsitassarsiorfiup eqqaani najugaqarfiup atugassaanik nioqqutissaanillu kiffartuussinerit
- Isumannaatsuunissamut atortunik kiffartuussinerit
- Praminik aamma imaatigut qulimiguulinnillu angallassinermik kiffartuussinerit
- Aatsitassarsiorfiup eqqaani najugaqarfimmut allaffeqarfinnilu pequttat

- Qillerinermi atortut
- Orsussat, uulia atortunullu taarsersuutit
- Nunap assannissaanut atortussat
- Eqqaaveqarnermut tunngatillugu Air Greenland, Royal Arctic Line aamma ISANI A/S suleqatigineqarnissaat
- Aammattaaq Tusass peqatigalugu pisariaqartunik attaveqatigiinnermut kiffartuussinernik pilersitsinissaq pillugu oqaloqatigiittoqassaaq
- Aatsitassarsiorfimmi sulisut ajoquseratarsinnaapput aammalu ajortumik sunnerneqarsinnaaratarlutik
- Sulisilluni ajoqusernerit annikinnerpaaffissaatinniarlugit aamma Majoqqap Qaavani sulisilluni ajoqusernerit pinngitsoortinniarlugit sulisunut atugassarititaasut kiisalu suliffimmi avatangiisinut Kalaallit Nunaanni, Danmarkip aammalu nunani allani maleruagassat atuuttut naapertorlugit ingerlanneqassapput.
- SIK-ip natsorsuutigaa, suliffiup nalilersorneqarnera (APV) sanaartornerup aallartinnginnerani suliarineqarnissaa, taamaasilluni Kalaallit Nunaanni suliffeqarfiup nalilersorneqarneranut tunngasunik nalunaarut nr. 1168 naapertorlugu piumaqaatinut naapertuuttunngorlugu suliarineqassalluni.
- Suliniummut piffissaliussat:

Sanaartorneq aallartisernerlu 2025	Aatsitassarsiorfiup nalaani najugaqarfissamik aatsitassarsiorfimmilu piareersaaneq, ukiut marluk
Aallartisarneqarnera 2027-miit	Aallartisarnera 2027-mi aallartinneqarnissaa naatsorsuutigineqarpoq
Matusineq nutarterinerlu	Ukiup ataatsip iluani ilorsuit, sanaartornerit atortullu piiarneqassapput
Matoreernerup kingorna	Matusinerup kingorna aatsitassarsiorfiup sunniutai nalilersorneqassapput; ukiut tallimat

SIK-ip naatsorsuutigaa IPISN-imik naluaarusiaq tamakkiisumik malinneqarnissaa aamma neriuutigalugu aatsitassarsiorneq ukiut 25-30-t kingorna sumiiffimmi anorthosinik nutaanik suli ingerlanneqaannarsinnaanissaa. Sumiiffiup nalaani nutaanik anorthosinik nassaartoqareernerata kingorna Kalaallit Nunaanni sulisartunut suliffissaqartinneqarnerannut iluaqutaassaaq. SIK-ip naatsorsuutigaa, kalaallit nunaanni inuaqatiginiinnut iluaqutaasussamik 2027-p ingerlanerani aallartinneqassasoq. Taamaattumik pingaaruteqarpoq SIK peqatigalugu isumaqatigiissusiornissaq aallartisarneqarnissaa, pingaartumik GAM-imi, Greenland Anorthosite Miningimi, sulisunut isumaqatigiissusiortoqatigiinnissaq.

Sanaartukkat makkua ilanngunneqassapput.

- Sequtserinerit
- Pujoralannik katersineq
- Aserorterineq
- Eqiterineq naqitsinertalik
- Immikkoortiterineq
- Qaartiternerlukulerineq
- Sinneruttunik sukuiaaneq
- SIK-ip pingaartippaa sanaartorfimmi, katersuuffimmi aqquusernginilu pujoralaat annikinnerpaaffimmiitsinnissaat. Taamaammat sapinngisamik akulikitsumik imerterisoqartassaaq pujoralaat pujoralallu annikillisinniarlugit
- Eqqakkanik isumaginnineq
- SIK-ip naatsorsuutigaa navianartorsiortitsisinnaasunik eqqakkat Europamut Amerikap Avannaanulluunniit nassiunneqartarnissaat, tamannalu nunani taakkunani maleruagassat naapertorlugit isumagineqassasut.
- SIK-ip naatsorsuutigaa Kalaallit Nunaanni ikuallaaviit sumiiffinni atorineqarnissaat imaluunniit ISANI A/S atorlugu eqqagassanik kulbrintilinnik imaluunniit qisunnik eqqagassanik eqqaasoqassasoq. Eqqagassat kulbrintit katersorneqassapput Kalaallit Nunaanni Nuummi naleqquttumut utertinneqarlutillu eqqarneqassallutik. Sumiiffimmili ikuallaaviit paasitereerneratigut pissaaq.

Nioqqutissiortutut akileraarut suliffeqarfiullu akileraarutai:

- SIK-ip kissaatigaa nioqqutissiortutut akileraarutit innuttaasunut iluaqutaassasut, pingaartumik Qeqertarsuatsiaani aamma sumiiffiup eqqaaniittunut. Taakkua piorsarsimassutsikkut, timersoqatigiiffinnut, atuarfennut, paaqqinnittarfinnut iluaqutaanissaat kissaatigineqarpoq.
- Aningaasarsianit suliffeqarfiullu akileraarutai pillugit SIK-ip takorloopaa Kommuneqarfik Sermersuumi iluaqutaassasoq taamaalilluni Kalaallit Nunaanni sumiiffimmilu suliffissaaleqineq annikillisinneqarsinnaassaaq.
- Kommuneqarfik Sermersooq akulikitsumik oqaloqatigineqartassaaq aamma Nuummi, Paamiuni, Qeqertarsuatsiaanilu nunaqarfiup aqutsisuinik ataatsimeeqateqartarneq ingerlanneqartassalluni.
- Aamma Qeqertarsuatsiaani aalisartut piniartullu atorineqarnissaat, pingaartumik tunisassiarineqartunik pisisarnissaq, sumiiffimmi aalisartunut piniartunullu iluaqutaasussanik.

Avatangiisinut Sunniutaasussanik Nalilersuineq, ASN, Greenland Anorthosite Mining, Majoqqap Qaava.

- SIK-ip takorloopaa, Greenland Anorthosite Mining suliniutimi ineriartortitsinerani Kalaallit Nunaanni oqartussaasut malittarisassaat malissagaat, pingaartumik Naalakkersuisut malittarisassaannut naleqqussagaasuunissaat.
- Aatsitassarsiorfiup eqqaani najugaqarfissaq umiarsualivillu aatsitassarsiornerup aallartisarnerani ingerlanneqarneralu kiffartuussinertut atorineqarnissaat.

- Inatsisit atuuttut naapertorlugit aatsitassarioffiup eqqaani najugaqarfiup ungasinngisaani aamma sanaartorfiup eqqaani dieselimik nukissiorfissamik pilersitsisoqarnissaa.
- SIK-ip pissangallutik takorloorpaat Greenland Anorthosite Miningip nukissiuutai soorlu innaallagissanik assigisaanillu sumiiffimmi nukissiuutitik ataavartumik pilersornissaa. Kaammattuutigineqarpoq seqerngup nukingata, innaallagissiuutit anorisaatit aamma ajornanngippat anginngitsunik erngup nukingata sumiiffimmi pilersuisussat pilersitsisoqarnissaat. Ajornanngippat Kangerluarsunnguani erngup nukinganut atassuserlugu.

Majoqqap Qaavani najugaqarfissami atortorissaarutissat:

- Inersuaq sinittarfik, igaffik, nerisarfiit, errorsisarfik aamma atisalersortarfik kiisalu sunngiffimmi illumi allaffimmilu 60-inik 90-inik inissaqarsinnaasoq
- SIK-ip takorloorpaa, Greenland Anorthosite Miningimi sulisat pitsaasunik atugaqarnissaat. SIK-ip Majoqqap Qaavani projekti aallartisarneqartut pitsaasutut isiginiarpaa. Kaammattuutigineqarporli sumiiffimmi nukissiuutit ataavartumik aamma pilersorneqarnissaat.
- Aatsitassarsiorfiup eqqaani najugaqarfimmut imermik igitamik saliivimmik, imermik imerneqarsinnaasumik saliivimmik, ikuallaajaallisaanermut atortumik, imermik imerneqarsinnaasumik pumperinik, dieselimik sarfaliuummillu atassuserneqassaaq. Taakkua Kalaallit Nunaanni sanaartornermut malittarisassat naapertorlugit sananeqassapput.
- Orsussaq Majoqqap Qaavanut assartorneqassaaq orsissanik usilersukkanik umiarsuaaraatinik imaluunniit Qeqertarsuatsiaat kangerluatigut Polaroi aqqutigalugu aamma orsussaarfimmut imaarsarneqartassalluni piffissamilu sivisuumi atorsaasussanngortillugu.
- Sumiiffimmi inatsisit naapertorlugit suliassaqarfiup pingaarnerpaartaa killilersorneqassapput.
- Umiarsuit usilersorneranni imaluunniit usigiarneranni orsussamik aniatitsineq pissapat
- Aniatitsinernik akiuiniarnermut atortorissaarutit pitsaasumik naleqqussarneqarsimasut piareersimatinneqassapput, ilaatigut umiarsuarut talittarfinniittunut uuliamut killilersuutit puttasut pilersornissaat.
- Orsussamik aniatitsineq pinngitsoortinnissaanut sumiiffimmi atortoqarnissaq
- SIK-ip eqqumaffigissavaa, sungiusarneq piffissani aalajangersimasuni ingerlanneqartarnissaa, taamaasilluni sulisut aniatitsisoornissamut sungiusarsimassallutik. Tamatuma saniatigut ukiuunerani aasaanerani upalungaarsimanissamut periusissat naapertorlugit sungiusartoqartarnissaa pilersaaruserneqassaaq.
- Uulianik kemikalianillu aniatitsisoornissaq pillugu najugaqarfimmi aatsisattarsiorfimmilu sulisut ilinniartitsineqartarnissai ingerlanneqartassaaq
- Ukiumut dieselimik atorfissaqartitaasussaq missingersorneqartassaaq

Dieselimik atuineq	A Literi	B Literi
Aatsitassarsiorfik	1.507.000	1.606.000
Sanaartorfik	458.000	685.000
Attaveqaatersuutit najugaqarfii, quersuaq, umiarsualivimmi atortorissaarutit	581.000	595.000

Qaartiterutit quersuassaanik inissiineq:

- Qaartiterutit akuukkat poortorsimasut
- Qaartiterutit akuukkat poortorsimangitsut

SIK-ip nalunaarut nuannaarutigaa qaartiterutinut, qaartoorsinnaasut, ikuallannermi qaarterinermiluunniit qaarsinnaasunik aserorterineq pissasoq Kalaallit Nunaannit qaarterinermut inatsit nr. 16 ulloq 16. Juli 2007-imeersoq naapertorlugu.

Illorsuarniit imeq igitassaq immamut aniatinneqartuq salinneqaqqaartassaaq. Illorsuarni saliiivit saliinermut malittarisassat sakkortuut naapertorlugit malinneqartussaammata nalilerneqarpoq imaanut aniatinneqartup avatangiisini uumasunut sunniutaa annikinnissaa.

SIK-ip aamma eqqumaffigivaa aatsitassarsiorfinni sulisut sanaartornerup nalaali, ingerlatsinerup nalaani matuneqarneranilu nalaani piniarnissamut aalisarnissamulluunniit pisinnaatitaanginnerat. Taamaattorli kalaallit sulisartut sunngiffimmi piniarnermut allagartallit nammineq atugassaminnik pisiniarsinnaanermut aalisarsinnaanermullu periafissaqassaput.

Kalaallit Nunaanni SIK Majoqqap Qaavani aatsitassarsiornissamut projektimut ASN-imut IPISN-imullu tusarniaanermut nalunaarusiamut oqaaseqaateqarpoq isumaqataalluni tassungalu atatillugu Majoqqap Qaavani GAM Greenland, Anorthosite Mining peqatigalugit isumaqatigiissuteqarnissamut piareersimalluni.

SIK-ip tusarniaanermut nalunaarusiamut allanik ilassutissaqanngilaq.

Inussuarnersumik inuulluaqqusilluta



Axel Lund Olsen
SIK